

飴山堂詩文集

四部備要

集部

上海中華書局據原刻本

校刊

桐鄉 陸費逵總勘

杭縣 高時顯輯校

杭縣 吳汝霖監造

版權所有不許翻印

鉛山詩集序

吾鄉新城王漁洋司寇執縣壇牛耳提衡海內凡數十年後起而持同異之論者爲博山趙秋谷先生先生足迹半天下翰墨流傳貴之者如拱璧而未覩其全稿歿後滇南李鶴峯閣學視學山左就鈔於其家以還於京余自初作詩即奉先生論詩之旨爲依歸逮成進士座主陽城相國實出先生之門因介同里宋蒙泉編修乞閣學之本刊之於津門嘗約舉先生談龍錄大旨持異於漁洋而未嘗不同歸者以弁之簡端適聞本家刻本已出隨罷茲役旣而蒙泉寄刻本並爲徵序余前序先生之詩見并門觀海二集而未嘗見其序序并門者爲蒲州吳天章序觀海者爲南海陳元孝兩公皆與先生輩行相倡和其序能盡先生底蘊顧余小子何能爲役無已則仍以兩先生之論序之蒲州序云秋谷抱異才負奇氣渾泓駿發其於世也率然自好無所緣飾故其爲詩也直而不俚高而不詭以如其爲人南海序云秋谷好縱酒喜諧謔後進以詩文贊者合則投分訂交不合則略視數行揮手謝去觀海一集氣則包括混茫心則細若毫髮片言隻字俱不苟下其要歸於自寫性真力去浮靡兩先生之論如此嗚呼詩以道性情詩作於千載以上而能使千載以下讀其詩者可歌可泣慨然想見其爲人此非緣飾之工亦惟其性情之真有以不朽於斯世而已若使不病而呻吟處順而感慨後之人何從而尙論之今先生之詩具在論之者可以想見其早年遭際承明仔肩鼓吹之氣概可以想見其一蹶不復起窮愁憂憤莫可抒洩之懷抱可以想見其遍遊名山大川之學識可以想見其上下千古磊落不可一世之精神余未親侍先生讀先生之詩而見先生之真性情當吾世而後不乏奇懷尙友之士以兩公之論謂先生之詩並讀千載以上之詩謂先生與李杜韓蘇諸公長存天地間可也甲戌九月德州門下後學盧見曾書

鉛山詩集總目

卷之一

并門集 古律雜歌詩四十四首

卷之二

閑齋集 古律雜歌詩四十六首

卷之三

還山集上 古律雜歌詩六十首

卷之四

觀海集上 古律詩二十首

卷之五

還山集下 古律雜歌詩三十九首

卷之六

觀海集下 古律雜歌詩六十二首

卷之七

鼓柑集上 古律雜歌詩一百八首

卷之八

鼓柑集下 古律雜歌詩一百一十五首

卷之九

涓流集 古律雜歌詩三十九首

卷之十

葑溪集 古律雜歌詩六十五首

卷之十一

紅葉山樓集上 古律詩三十二首

卷之十二

紅葉山樓集下 古律雜歌詩四十六首

卷之十三

浮家集 古律雜歌詩七十二首

金鵝館集 古律雜歌詩六十二首

卷之十五

迴颿集 古律雜歌詩七十六首

卷之十六

懷舊集 古詩十四首

卷之十七

磻庵集一 古律雜歌詩七十四首

卷之十八

磻庵集二 古律雜歌詩三十三首

卷之十九

磻庵集三 古律詩三十七首

卷之二十

詩餘 小中長調七十二闕

并門集序

歲甲子秋谷使於晉得詩百篇以示余其詩結體清真脫去凡近非曰字句之工而已余嘗論古人一言一詠皆有體格體僞而格下者雖聲文斐然皆凡也近也秋谷抱異才負奇氣渾泓駿發其於世也率情自好無所緣飾故其爲詩也直而不俚高而不詭蓋如其爲人矣夫十五國之風詩唐最近古秋谷行其地其有取乎陶唐氏之遺風而爲之者乎余晉人也山川都邑登臨覽觀之勝皆少所習者顧不能言之及秋谷言之而正如余意即恐余雖言亦終不逮也其在唐風有杕之杜曰彼君子兮噬肯來游中心好之曷飲食之撫斯集也詠是詩而三歎焉河中吳雯撰

原
书
空
白
页

鈴山詩集卷之一

青州趙執信

并門集 古律雜歌詩四十七首

督亢懷古

燕丹昔逃秦身免怨未雪千金求死士快意期一決徒逞匹夫憤焉
知竊王烈我聞燕先王築臺市駿骨晚得昌國君雄心一朝豁全齊
七十城紛如橘葉脫但隆郭隗禮不灑田光血豈有能羅臣輕試虎
狼穴可憐易水上壯士衝冠髮事敗國旋亡寂寞名未滅

涇陽驛雨甚行囊皆濕與中聊述

欲知肩輿行遇雨有似曳尾塗中龜身延頸欲前去四足不動如
懸樅窗窗敲枕兩脚入紛斜一任西風吹我既衣囊有露濕迴視我
僕嗟亦疲幸餘臟腑未瀟灑豈免涕淚同淋漓無因天漏藉石補反
思油衣以瓦爲人生有情每無厭遨遊謂樂居可嗤請看行役足辛
苦他時枯坐無庸悲

道傍碑

道傍碑石何疊疊十里五里行相追細觀文字未磨滅其詞如出一
手爲感稱長吏有惠政遺愛想像千秋垂就中行事極瑣細齟齬不
顧識者嗤微輪早畢盜終獲寶宮既葺城堞隨先聖且爲要名具下
此黎庶吁可悲居人遇者聊借問姓名恍惚云不知佳時於我本無
恩去後遺我如何思去者不思來者怒後車恐蹈前車危深山鑿石
秋雨滑耕時牛力勞輓推里社合錢乞作記免園老叟頤指揮請看
碑石俱飄零身及妻子無完衣但願太行山上石化爲渾沌水中泥
不然道傍隙地正無限那免年年常立碑

獲鹿至井陘道中三首

城邊沙水路數里入山村高處雲封屋秋來草沒門牛羊綠澗遠童
稚避人喧却聽樵歌返前峯日已昏

驅馬指榆水名晚陰山雨來前村一點火倦客意悠悠猶隔數峯遠
還從深樹迴暗中聞犬吠始見竹籬開

曉日不照地羣峯方障天行人聽雞起鳥道接河懸遠樹猶藏雨高
城半出烟秋來無限思牢落付山川

井陘道歌

晚雲挾雨風不休井陘古道行人愁未知駐足竟何處羣山來往相
遮留初緣細路行逾上風中一線秋空浮徑迴兩壁競奇詭坐令豁
谷成深幽久行祇畏前路絕下視尋丈何能投失勢忽落不自覺天
宇頓被蒼崖收四圍樹石怒相向森然擎攫紛蛟蚪人如迴颺激下
葉馬擬古棧穿猿猴已覺心氣俱沮喪敢云追躡窮冥搜嗟乎絕險
天所設左車當日真良謀如何旗鼓走水上戲下反致成安頭古來
成敗兩寂寞山川滿目增煩憂道傍戰壘野花放雨餘山鳥鳴啾啾
宿平定州雨竟夜聞七十二河水大至

倦行得投憩如鳥有棲託下馬衣盡濕入門步猶却屋角張明鏡晚
炊具藜藿取足供醉眠濁醪恣深酌窮甕青玉峽迢遙夢中約如何
就枕憂反遯據鞍樂入夜殷雷喧雨聲亂城柝沈瀾散簷溜浸淫到
帷幕頗聞向曉行驛路綠澗鑿石齒既叢生潦水正噴薄四山懸瀑
集勢若崩崖落直恐穿山脅安能容略約已知前路難更聽雨勢惡
殘更遠欲斷冷焰濕不著轉畏天欲明孤吟向索寞

涉七十二河

犯曉指前途天清雨氣散迴瞻孤城際遙出大河岸山勢鬱屯雲水
聲激流電波盪巨石奔難拆地軸轉居人能鄉導小軻頗趨悍揚鞭
亂流去直與驚湍戰圓浪欲沒鞍輕軀時及面浮沉適衆川攀緣望
絕棧豈惜衣履濡寧辭登涉倦斜陽向晚放驛舍炊烟亂有如異國
歸遙天見鄉閭馬飢僕亦痛水盡山未斷候吏不須迎前馳已如箭
晚發芹泉驛夜過壽陽

日暮憩芹泉暝色動諸嶺路紆未擬停馬飽方思購新月乍微茫羣星半耿耿遠雲時作陰積雨正多澤地明知近河徑轉畏逢穿不知幾里遙忽在萬峯頂陰陰俯涯際簌簌亂林影深谷聚豺狼濶潦喧龍龜山腰忽一燈鬼火出墻井秋毫皆易驚觀聽何由屏風高溪壑哀露下衣裳冷前途漸逶迤客心轉虛迴昏眸呼不開倦轡時復整壽陽城上鐘殘夢三更醒

夜度黃嶺

星稀月落夜轉昏黃嶺嶺上寒生雲憑虛直上二十里勢與天闕爭中分我行但覺馬人立據鞍自笑如孤猿前驅已遠後相失空餘呼嘯風中聞昨聞此嶺真險絕頓愁無翼難飛翻青然登降無所懾夜氣爲我留精魂泥路蜿蜒勢漸下俯聽雞犬響荒村東方放曉日欲出却望天際危此身

中秋夜

秋氣驅殘雨空庭來遠颺一杯桑落酒半夜月明時久客嫌宵永初寒覺醉遲還將蕭瑟意遙與菊花期

太原縣拜先曾大父生祠三首

曾大父昔爲少參均晉祠水利有德於民故祠焉祠鄰大佛寺檀間有觀察叔祖奉使時所題詩

曉色微分秋暮天村烟祠樹正清妍遠山雲氣日初上古寺梵聲鐘共傳下馬身從千里外登堂夢隔十年前他鄉歲晚增多感酹酒臨風一愴然

當年聚戟駐河干片紙能令萬戶歡曾向清流照顏色到今白叟識衣冠村荒亂木隨秋下山逼驚風盡日寒歲序易遷遺廟在居人珍重後時看

憶從薄宦客京師邱墓松楸入夢悲乍喜家山歸有日又來汾上住經時兒孫枉灑天邊淚父老能留去後思待向故園兄弟道他年重

問舊題詩方圓便

雨中泛汾水感興

細雨已作泥微風能灩舟渺渺入汾水匆匆懷勝遊漢代昔巡幸畫舸張龍旂冠蓋擁前列蕭鼓橫中流棹歌今歇絕千載長清秋我行望天未雲物慘不收羣山莽迴互水木相綢繆地勢且終古世事隨浮漚乃知前人名翻藉山川留舟人理楫急及岸還夷猶把杯酹水湊此意空悠悠

九日晉祠

野菊霜姿向客妍孤村木落更蒼然也將世上黃塵面來對山中碧玉泉桐葉遺封還百里晉陽王氣已千年爽鳩東望堪憑弔都付西風落照邊

將遊鎮鐵院以病不果

古院不一遊虛作并州客寒鐵夜有芒秋井水無色病思清冷對夢覺鐘梵寂想見靜中僧時時掃苔迹

發太原

青烟一點望依然馬首蒼茫又著鞭此地空樹桑落酒故園已過菊花天薄遊歲月清霜候歸路關山黃葉前惟有離心汾水上應隨秋雁共年年

晚行

兩脚背城見前村開晚晴近山風轉急隔水月初生樹杪懸燈火焰中隱確聲今宵魂斷處野館醉三更

郭有道墓下二絕句

斗筭賤役良不屑識鑿人倫亦偶然何意舟同李元禮時流解望作神仙

中郎無愧至今稱因憶昌黎豈近名不是高文能諛墓黃金何處壽劉生

冷泉關

霜凝疎樹下殘葉馬踏寒雲穿亂山十月行人覺衣薄曉風吹送冷泉關

曉過靈石

曉色依微嶺上橫望中雲物轉淒清林收宿霧初通日山挾迴風盡入城客路遠隨殘月沒鄉心半向早寒生驚鴉滿眼蒼烟裏愁絕成樓橫吹聲

國士橋

橋上馬嘶破殘月溪邊流水聲幽咽風迴激浪上橋頭似灑當年擊衣血伏劍如飴豈顧身至今此地留精魂由來國士有千古試問中行是衆人

始雪過東西塢二嶺

天陰覺曉遲乍雪山更寂蕭條絕人烟蒼茫入寒色林空遠望通徑轉迴峯逼二嶺鬱相當中見雲氣積高風東四山冥冥接天白行人躡空濛馬足畏偏仄忽疑厚地傾又覺陰崖踣澗壑何深幽云是虎狼宅地險念身孤客久知時迫故山候尚溫奮飛無羽翮向暝昧所投浩然促輕策

沁水使院望石樓山雪

孤峯壓城頭雪色落屋瓦高堂收衆陰目極天四下空烟寒欲開晚雲散如瀉遠見羣山來莽莽亂奔馬長松分巖谷猛虎憑城社入夜風怒號居人畏中野行役更苦辛山川自蕭灑悵望聽深更躊躇引杯罍

陽城夜飲

高館張燈天向昏山城打鼓曉逾喧不知酒力誰深淺一夜開簾雪沒門

山行雜詩四首

嶺路盤盤行欲迷晚來霜霰忽淒淒林間風過猶兼葉澗底寒輕已作泥馬足登時疑地盡溪雲多處覺天低倦遊莫訝驚心數歲暮空山鳥亂啼

晚雲忽散見峯顛遠寺鳴鐘思悄然積雪更宜新月照輕烟不障暗流懸行同宿鳥趨林急穩羨山僧擁絮眠正好溪風送前路一燈明滅戍樓邊

絕巖平臨遠目開天風吹我離去氛埃路于殘雪消中見人自羣山闕處來樹外連峯橫作郭馬前雲氣散成堆平生蠅屐幽尋興落日登高首重迴

十日山中汗漫行山雲作意變陰晴連天細雪因風急近郭空烟接日生鞭影遠牽殘照色馬蹄寒踏斷冰聲定知此後相思處贏得清樽夜夜傾

發澤州宿星軹驛盡日行太行最深處

出郭未十里陟嶺凡幾盤徘徊初日影隱見羣峯端遙空斂餘陰山風增曉寒我行曾冰中仄徑愁躋攀馬壓後人頂足滑不得安紮紆自信地倒側惟隨鞍久依懸崖轉每疑絕壁穿歛同鳥上下紛與雲勾連平臨衆皴出旁見高天寬四山森列笏戢戢爭荒烟林木接蕭瑟萬壑寒聲傳牛羊入殘雪蠕動叢莽間登頓倦行侶曠覽開心顏日晚見人家列屋緣層巒斜陽明萬瓦烟火動夕餐不厭野宿孤益羨山居便溪黑虎豹嘯月出烏鵲還歲晏遠爲客中宵起長歎

天井關

試凭雄關望偏增客意豪驚風吹澗直落日覺山高亂樹入雲盡悲禽分野號從來爭戰地覽古首頻搔

太行絕頂望黃河歌

曉日欲放山盡紅行人犯曉行山中連峯障天望何極唯餘雲氣寒濛濛冬深冰雪塞大地只虞馬跡無由通前臨忽覺地形逼兩河煙

樹開千重中間烟斷樹滅處青黃一道連高空初疑當風曳雲錦又似東方升蟬煉料量始識大河見勢擬天關懸飛龍崑崙倒瀉幾萬里劃分南北無始終蜿蜒勝已控秦豫奔騰氣欲吞華嵩眼底太行將恐沒古來雄觀何能同我聞近年水大漲舟楫日夜相撞春有時青天萬艘失咄嗟人命隨悲風江淮相接渺巨浸田廬盡作蓬蒿叢海門不啓河伯怒坐令堤埵難收功即今遠望僅如帶晨光指點愁匆匆可憐黔首半魚驚漫言遊子開心胸

下太行入河北

萬山圍馬首峻嶒行相逼如入稠人中倉皇亂迎揖連朝躡險險徒侶疲登陟曉看白日近漸覺山勢急前路紛羊腸下赴將何極眼明見平地河色漾寒碧浮雲千里通清流一線直參差散林莽指點辨城邑久行望彌真屢下境轉偏迴視高峯顛一一詫所歷野曠山盡收村晚天半赤向風指孤煙息此窮日力

晚次清化鎮

晚風亂叢竹四野青欲收回頭謝寒山臨別還夷猶孤城殘照盡雉堞隨星浮烟際聞人聲馬倦亦知投

仙居行

仙居亦在黃塵裏碧瓦如鱗點衛水衛水無聲四野愁神仙不至千夫死城頭寒日翻大旗使君來遊何委遲朝朝鼓吹沸城出借問曾與仙靈期仙靈窟宅知何處海天茫茫隔烟霧盡將膏血作樓臺留與行人自來去

蓮大夫墓

車聲驤驤及關止衛靈夫人識君子可憐荒土不分明千古彌瑕共埋死因知往蹟多湮沉下馬陌頭霜草深尺寸偶然留姓氏武公康叔渺難尋

大名

霜樹迷離擁成樓寒風近北倍颼颼英雄河朔銷亡盡獨倚斜陽指魏州

魯連村詠魯仲連

漫說帝秦片時事獨憐排難一生心空驚玉貌圍城裏東海茫茫何處尋

華山行

跛者御跛者登婦人帷房聞笑聲笑聲未絕曾師興華不注山千青冥山前東畝何縱橫欲尋丑父易位處華泉之水今獨清紀願與玉馨差異城下盟寡君季親以色養豈意社稷將隨傾嗚呼寧獨巧笑能傾城

雜詩五首

作客一朝歸如夢久而寤時時心目間愴怛各有遇遠溪清淺流連村遠近樹兒時所經觀半猶存其故峨嶺雪乍晴煙斂萬家曙磴道入高寒雲山遠迴互忽驚風景真轉恐遨遊誤漸多相識人踟躕屢狂顧遙見西郭門疲馬趨如驚莫避市上塵去此十年路時名驛樓空計日客遊常畏人豈意廣坐上復覩平生親再拜視顏色悲喜不可分長者酌我酒相問遞殷勤重穉不相識牽衣皆弟舅自憐語音變稍有形容存且與恣歡譙艱難安足陳

雪後天氣佳選勝攜我友不知山與泉頗憶嚙昔否城邊初日上寒色遍林數行綠荆山足漸出秋谷古淺瀨漾輕冰空烟散枯柳更陟峨嶺頭極目盡諸有峯壑雜樓臺出沒各爲耦疑是太行中西望頻搔首風土有雷同取意分薄厚笑問同遊人還勞倒尊酒

招我何碌碌家家春酒熟過來二十日日得所欲風霜雖苦辛醉飽亦酖毒昨宵雙眼昏展轉羞明燭向晨味冠履對案廢篇牘妻孥頗嘲訕客至每局促憶登并州塞遠窮千里目祇恨杯酌疎在家病良足

高堂張華燈少長各爲羣寒風斂殘日氣候晚如春酒行更相勸既
醉情彌敦豈辭今夕醉將爲明年人非徒明年人復是異地身預憂
西北路冉冉隨浮雲佳日殊未厭去意方恐分人生苦樂情終古何
時均

鉛山詩集卷之一

原
书
空
白
页

鉛山詩集卷之二

青州趙執信

閑齋集 古律雜歌詩四十六首

送同年馮大木舍人校士湖廣

春秋鸞熊國強大割周甸壤地盡荆梁雄風帶江漢中分齊晉霸外並秦吳悍三戶竟亡羸遺烈發項難當時威兵力遞世優文翰莊屈引商音朱紱砂餘數週日頗衰靡聲格就雌儒才豈敵國用瓜待梁人灌吾友馮舍人詩思掣驚電蹇駘秘閣直不愧中朝遺振衣黃鵠磯臺正碧湘岸楚士競磨厲治轡鞅絆兩廣嚴權勁三秋耀組練看君建大旗一鼓萬色變徵札養叔登菟薦得臣薦前年我往晉力欲追舊觀勢已弱古昔時會多謗訕厚乞汾晉靈小覺耳目換於今論文事毀譽雜真贋主盟不相下牛耳爭欲擅邦勝爲人私門戶紛難算吾儕亦分道相視各笑粲兩賢既莫避計畫須早辦楚自長宋盟晉實先魯傳雖聽向戊戌不免還疆諫一彼與一此事後互譏羨我方怙鄙勝君請力鄰戰彬彬晉楚從來歲交相見

送吳天章之太原二首

秋雨勢不已秋風動萬山送君薊門路計日井陘關水暗黃榆色峽迴青玉顏猶餘馬行處憑夢一追攀青玉峽在井陘

把酒說并州茫茫感昔遊邊聲催月曉山氣壓城秋桑落經時醉黃花九日留君歸渡汾水爲問雨中舟

贈李生

生宣城人龍星輝兼相人時將歸矣

李生煙霞人至道窺突奧有術不自匿變怪出談笑往爲嶺海遊刻郡恥晚到竭來長安市一日屈衆妙傳聲疾雷霆探訪遠形貌與隸熱招邀公卿藉炫耀相知我最先奇技向亦好每同宋忠載過請季主教千支重爬羅頭面久量校勸我忍貧下計日許騰越感子鄭重意失喜還自悼生本田野夫一第良忝冒早仕乏問學行意成輕傲

閒官慚報稱孤立叢謗譴常憂忽失墜知病竟莫療天時子有徵人事我所料子今欲歸去舊山譜清嘯索詩持當券不貸王孫報何殊俟河清未必同燭照觀子言屢中萬一此亦效待我乘星車請子理煙棹贈賄恐未能遠當遣迎勞

送費生赴淮上

燕市居十年酒徒能幾箇假使設壇坫我將子當佐饌屋一餅巷氣味兩寒餓招請無昏旦主賓雜坐臥狂或怒門輩醉不避齟齬世事如瀾翻舊歡與夢破子今結束去幕府據高座騎馬到淮南猶及嘗新糯我方持筆札計日按程課心隨知舊散氣以貧病挫海門波澎湃北塵堀堦銜杯遞相望獨唱誰與和

送同年梁原山吉士改官歸太和

西江人士意氣豪潯陽九派飛寒濤吾黨梁子尤駭發雄視不覺霜天高姓名早入玉堂籍十年削跡棲蓬蒿今冬強起上謁帝帝遣換職歸諸曹朝廷用人有深意衆口不解徒嘈嗽尙書事重繫民命竿牘山積煩爬搔年少諸郎習疎放止堪持酒談風騷木天清曠足容納坐令戢戢同牛毛如君才力豈易得列卿端藉分憂勞鴻鵠一舉不可網復欲息羽投林皋雙歸聊以慰慈母驟別豈免傷同袍酌酒勸君好自愛南下催馬風如刀

同年曹夢懷編修生日索贈

人之有年歲譬若影附形上分日月光下與燭火爭觸景應明晦歛過無減增偶然積多寡多者人艷稱空餘齒髮變豈有利欲并所貴涉途寬可以策脩名流俗泥干支指日爲所生去日等逝波所生焉足憑況復信祝史祈禳不暫寧煩文苦妻子奔走勞友朋上古未聞此往哲非自輕行之經永久欲止諒不能計惟當斯時置酒飛毬觥四序各有適百年其奚營今年君四十招我來前榮東我雜賓中開口殊可憎不言官必高不言仙可成勸汝力飲酒時事如沸鑪

與同年李丹整編修以事出朝陽門晚宿田家

繁花已盡木葉肥城中城外屢交飛不因出郭了公事當與野色終
相違芳春二月錢戶坐日在愁陣遭重圍我自久旅成習慣今昨等
耳安知非怪君連歲臥江上拾舟即陸誰指揮今朝眼豁向水木翻
若所見從來稀清溪宛宛帶柳村舍歷歷通煙霏故山未敢詫奇
絕風物似此猶庶幾人情厭常每易動微官竊祿難肯歸且買濁醪
醉暮景新月正照林間扉

兩夜有懷丹壑

臥聞簷瓦添新響坐愛虛窗受遠風不忘對牀前夕約夢隨兩腳過
街東

題程松舉舍人詩卷四首

四海故人楊伯子海寧楊春來幾度說君詩城東記否雞羣裏標格
亭亭識項斯

昨日叩門日卓午槐陰入座風披猖尚覺歸來太蕭瑟袖中冰雪生
清涼

宋唐門戶久難齊頗怪康莊俗自迷要識神明煥然處非緣野鷺勝
家雞

時人口齒競呀咻字順文從解辦不苦厭支離塵滿眼期君濯足大
江流

觀弈歌

高堂晝閒棋局陳隱然左右敵國分主人與客據四角宛若勢子何
停勻微風動窗日光入簾影欲亂楸枰文未知失鹿向誰手但見眼
底生紛紜乍如青天斂餘霧一南一北行秋雲又如殘日墜西極大
星小星耿不昏豐隆驅電撒沙落毛仲牧馬雲錦屯肅肅魚麗就行
陣翻翻鳥散隨飛塵觀者坐久失向背目眩舌擗傷心魂良工運斤
色不動森然萬枝同一根攢眉思出九天上奮袖氣奪千人軍少焉

勝負判然決誰與戚戚誰欣欣古來兩賢不相厄何況同道猶一身
尋繹何陳有何故日斜人散寧復論嗟乎世間強弱終無據空遺旁
人笑相語

謝王子言前輩餉酒

偃仄曾同巷南北每看屋角即相思兩添庭際沈瀾處風攪窗前竹
樹時無復鐘鼎邀我共坐愁泥淖出安之今宵遣入去年夢一枕簫
聲成醉遲

昨夢四首簡大木

詠君篋中句大木有贈昨夢楚江濱兵氣排山起暮聲捲浪聞漫休
河上戍已潰相州軍黃鶴高樓在千重壓陣雲

鼓吹轅門啓叢戈耀日鮮將軍先屈膝部伍敢張拳分閫新從朔元
功舊下滇雞鳴瞻馬首慎莫學遷延

控帶稱雄鎮還須濟世才空聞田布死不見寇恂來門柳誰曾識江
魚盡值災遙憐暮潮急真箇爲流哀

雨霽羣星出天槍特地高暑恆悲裏甲醉擬賦同袍江漢終朝海鯨
鮪漫起漚請經吾輩事卿莫笑雞刀

夜大雨曉起視庭際花竹有述八韻

夜半夢驚雨天明庭浸波幾迴臨牖視何異汎舟過砌失開花滿增
餘欄草多長條疑折葦圓葉作翻荷獨有幽窗竹依然綠玉柯當風
轉孤挺帶濕自婆娑應結蒼松伴相期碧澗阿秋霜獨衆卉爭奈此
君何

讀司馬相如傳二首

靡麗千秋說子虛人人自以馬相如縱饒賦筆臺釐似直是輸他諫
獵書

公孫閣外幾人窺狗監推才天子知一自茂陵取書後更誰恨不得
同時

蟬

蛻化知何故傳聲秋樹端
虛隨貂作飾臘有露爲餐
蟋蟀勞相和蟬鄉遺賢安
巖霜休太逼已怯早來寒

螢火

和雨還穿戶經風忽過牆
雖緣草成質不借月爲光
解識幽人意請今聊處囊
君看落空闊何異大星芒

七夕兩飲松皋舍人分韻得九佳

與汝結交異行路三日不見無好懷
寒官多暇還往易不以風雨成
睽乖更番既已倦與僕蹤跡豈免疑
朋儕論詩相賞由宿分語似驚
羨寶嘲諧詞場近來威稂莠雖有
條蔓亡根菱楚相衣冠惑左右狡
黠終是輸優俳我曹岐趨有何故
苦向漫漶求模楷河漢今夕事荒
怪妄者以意窺津涯丈夫要自識
真意恥逐俗子由由借所憂學
難樹立山嶽勢就誰能排談深不
畏口枯渴主人有酒如長淮扶醉
出門風滅燭天光照泥星滿街

杜門

小病杜門殊不惡靜中一倍愛秋清
微寒林下王孫急細雨離根稚
子生閒覺詩懷增攪亂貧餘酒價
貴經營新來自笑耽工課半夜披
衣看月明

秋熱

西風不作力大火張餘威雷雨呼
莫應毒熱來非時七月月向盡
午汗已去肌昨夜夢顛倒謂是初
炎曦曉窗日潑眼如臨洪鑑窺翻
身欲起避衾簟黏膠檣灑掃就非
隱嬌兒啼相隨藏冰日十市怒管
來何遲暑寒代有常奚由失其宜
太寬以猛濟遠愛傳良規琴瑟忌
專一改絃待工師敢持區區意仰
訴皇天慈

節候

今年節候太支離獨有閒人次第知
暑似飢鷹繼繼久涼如隱士出

山遲昨來一雨醒塵夢
陡覺清秋赴夙期日午當窗看竹
色微風捲綠入簾帷

詩

中秋例相餽還貧家此事都絕
友人頗有以酒見餉者喜而爲
昨宵細雨洗餘熱臥聽寒聲汎
窗竹今朝晴天作好月坐待清光
媚幽獨令節屈指不三日比舍喧
喧走僮僕寒家無往亦無來閒看
炊煙上牆綠故人相知到嗜好
美酒遞致車連轂未放狂夫杯入
唇已見癡兒歡聒屋豈少貴人相
餉遺珍味充口帛盈簾因思天公
換歲時勝遺朱門臭新肉中廚佳
醞賤於水涓滴如余已霑足質衣
更爲買螯蟬不遺便便負此腹却
笑阮公無好懷官酒自供何事哭
不學碧鷗裴家郎寂寞荒園自埋
鹿

贈錢塘吳舒覺因懷河中吳天章

吳子意軒豁有似高秋鴻
息羽就塵埃鼓翼隨天風矯然衆
鳥中一奮千羣空却顧望寥闊
誰與爲兩雄河上中條山遙對
蓮花峯峯壑相遮羅青翠幾萬
重中有棲託人帶蘿衣芙蓉長
嘯臨關門濁浪聲相吞與子才
匹敵姓氏正復同並揚騷雅波
交映冰雪容聞當壘來此晉楚
中原逢何故先避去不肯交刀
弓故山結茅處秋色寒濛濛
湖如新磨鏡照見松桂叢苟能
縱高臥投老安耕農不然遠遨
遊自等無根蓬作詩貴言志飲
酒聊快胸時世方妬色賢達當
固窮彼吳昔顧頡上書不得通
丈夫能文章豈必爲三公

爲舒覺題吳山草堂

兩峯相憶不相識中著茅亭定
可憐那更西湖似西子橫陳日
日小窗前

送朱悔人歸潛江

霜信風高塵滿衣
征人遙與鴈南飛
淒涼客向秋深別
珍重身當亂定歸
松竹從添三徑合
江山無恙十年違
翻愁未抵他鄉樂
去日親

知有是非

孤酌

短燭照孤酌長宵容苦吟窗虛聞雨細人靜覺秋深兒女迎寒病鄉園久客心無因得料理爭遣不侵尋

即目

烟外風翻數點鴉板牆欹處夕陽斜空庭客去閉門晚零落一堆紅豆花

戲孫子未簡討病瘡學弈

孫郎甚口如虫鳴嘈嘈頗爲流俗憎冬來肺病漸作啞歛與雷鼓齊收聲齒牙翕張不達意翻怪賓客皆重聽身手雖好欲安試寒天瑟縮閒無營今晨書來語刺刺終避舌本工掀騰假我棋局破岑寂何異腹脚初修兵北風激箭射窗紙黑白在手如凝冰短燭前頭置酒盡夜長極木聞丁丁吾黨耽弈獨馮子凌厲同輩誇最能閉門今知勇可習便擬齊晉相代輿勸君且止勿自苦料理藥具兼茶鐺弛弓棄矢備不用寬依律呂調簫笙他日臨敵戰偶勝高歌奏凱喧鑿鉦有時意外值強悍一叱可使樓煩驚

和太木除夜作

君子敦風昔織人豔鮮新荒哉眼底歲欲變風中雲鄰舍兒女歡遲明作好春寒家燈火靜夜久杯在脣巷柝入耳急妻孥倦相嗔酣眠非不適所戀在途巡昏眸漸不支倚壁強久伸恐有鄉夢迴夢見平生親馮生發歸興奮若孤鴻驚余豈異人情悲懷難可論

十四夜對月寄丹壑

是日立春

春風寒近酒杯前街鼓聲中夜可憐愁向窗東見明月故人居在月東邊

閑

閒憑書卷添眠味暗刻窗陰覺日長暖色待將花打撲春懷須著酒

禁當

感興

二月不見雪積凍已潛消融爲夜分兩客枕驚蕭瑟曉晴日氣鮮餘寒不敢驕起看小庭竹覆砌青寥寥枯草亦茁芽瑣細新雛毛託根久泥土今與陽春遭稍見雲際鳥飛鳴何交交萬物各有時終戴造物勞

調丹壑二首

張侯邀我入城去西苑水風終日涼却笑人間李公子出門十步似他鄉

每欲嘲渠等虫蟄新來看爾似蠶眠除將善病兼能酒百不如人也

可憐

深秋偶作

兩月未嘗作一詩漸覺心手非我屬怛怛蟄虫有時動忽忽飄風不可逐臥看邊笥章句枯坐擁管城鬣毛禿亦如戰士久釋戈筋力雖剛氣局促昨見馮生抒憤詞兼愛洪子翻新曲破除積習那易能又想鸞弓接飛肉空齋無人雲壓簷疎籬有聲雨浣菊閉門獨坐追舊亡一一壁魚緣敗簾非云疾病期自強乍似炎燭得新沐只愁葦草更須刪莫恨秋光不盈掬

除草

久旱惜庭草秋來隨意繁寧知藉殘雨亦復礙閒門芳芷元殊臭寒霜豈有恩殷勤向原野何處不春溫

艾竹

抱節久相於因多自翦除一朝窗影瘦昨夜雨聲疎不惜衰晚日翻憐移植初新梢當戶好著意九秋餘

梅耦長畫幅

只合歸與臥一邱松門蘿徑足清幽誰教老樹旁邊立黃葉無風也

打頭

出宮詞

禁門曉曉開，敕放如花女。起作辭宮粧，低頭淚如雨。所悲入宮早，不恨出宮遲。十年閉永巷，妾貌猶昔時。當窗理鏡奩，容華良獨惜。君王豈無恩，妾自未相識。同時良家子，多在昭陽宮。齊紈雖皎潔，不如蜀錦紅。舊家送我時，願妾承天眷。歸去姊妹行，含羞說金殿。

飴山詩集卷之二